

八

編

類

纂

八編類纂卷之四十九

大學衍義補

禮類

崇教化

一道德以同俗

藝君此傳
世可無
誠不宣只
是不同
只是強同

易象曰天與火同人君子以類族辨物

王制天子無事與諸侯相見曰朝考禮正刑一德以
尊于天子

司徒一道德以同俗

漢董仲舒言於武帝曰春秋大一統乃天地之常經
古今之通誼也今師異道人異論百家殊方指意不

同。是以上云以持一統法制數變下不知所守臣愚以爲諸不在六藝之科孔子之術者皆絕其道勿使竝進邪辟之說滅息然後統紀可一而法度可明民知所從矣天子善其對以仲舒爲江都相丞相衛綰因奏所舉賢良或治申韓蘓張之言亂國政者請皆罷奏可

臣按武帝卽位之初首舉賢良方正卽得董仲舒之真儒者仲舒首以是爲言而丞相衛綰又以爲奏於是黜百家而世之學者因是而知尊孔子之道自後建太學立博士明經術使儒

者之道大明于天下一洗秦人之陋至今儒道
盛行經術大明皆武帝振作之功衛綰奏請之
績仲舒發揚之力也

宣帝甘露三年詔諸儒論五經同異於石渠閣蕭望
之等平奏上親稱制臨決立梁丘易夏侯尚書穀梁
春秋博士唐太宗貞觀十四年命國子祭酒孔穎達
等誤五經正義雖包貫異家爲詳博其間不能無繆
冗博士馬嘉運駁正其失有詔更令裁定

臣按漢宣帝會諸儒於石渠講論五經同異然
惟講議之而已未有成書也至唐太宗始命孔

穎達會諸儒臣誤五經正義是亦一道德之一端也

韓愈曰周道衰孔子沒火于秦黃老子漢佛于晉魏梁隋之間其言道德仁義者不入于楊則入于墨不入於老則入於佛入於彼必出於此又曰古之爲民者四今之爲民者六古之教者處其一今之教者處其三農之家二而食粟之家六工之家一而用器之家六商之家一而資焉之家六奈之何民不窮且盜也

歐陽修曰佛爲夷狄去中國最遠而有佛固已久矣

堯舜三代之際王政修明禮義之教克於天下於此之時雖有佛無由而入及三代衰王政闕禮義曠後二百餘年而佛至乎中國由是言之佛所以爲吾患者乘其閼廢之時而來此其受患之本也補其闕修其廢使王政明而禮義克雖有佛無所施於吾民矣此亦自然之勢也

修又言於君曰士之所本在乎六經而自暴秦焚書聖道中絕漢興收拾亡逸所在無幾去聖既遠莫可考證偏學異說因自名家然而授受相傳尚有師法暨晉宋而下師道漸亡至唐爲九經正義所載既博

所擇不精多引讖緯之書以相雜亂乞特詔儒臣刪去讖緯之文使學者不爲怪異之言所惑亂然後經義純一無所駁雜臣愚以謂欲使士子學古勵行而不本六經欲學六經而去其詭異欲望功化之成不可得也

臣按秦漢以來之六經所以至于今日者實由孔顏達之正議其刻板尚存於福州府學今後學經者因得以考見古人之訓詁義例而知其名物度數之詳雖其間多駁雜詭異之言如歐陽氏所言者然朱子謂漢魏諸儒正音謹通訓

詒考制度辨名物學者苟不先涉其流則亦何以用功於此則其書亦世之不可無者也第欲中心有主而知所擇耳

躬孝弟以敦化

商書伊訓曰立植也愛惟親立敬惟長婦于家邦終于四海

孝經子曰先王有至德要道以順天下民用和睦上下無怨夫孝德之本也教之所由生也

君子之事親孝故忠可移於君事兄弟故順可移於長居家理故治可移於官

故雖天子必有尊也。言有父也。必有先也。言有兄也。
孝悌之至通于神明。光于四海。無所不通。

王制凡養老有虞氏以燕禮夏后氏以饗禮殷人以
食禮周人修而兼用之

孔穎達曰人君養老有四一是養三老五更二是
子孫爲國難而死養其父祖三是養致仕之老四
是引戶校年養庶人之老

有虞氏養國老於上庠養庶老於下庠夏后氏養國
老於東序養庶老於西序殷人養國老於右學養庶
老於左學周人養國老於東郊養庶老於虞庠

月令仲秋之月養衰老授儿杖行猶賜糜粥糜亦粥也飲食

祭義虞夏殷周天下之盛王也未有遺年者年之貴乎天下久矣次乎事親也

孝弟發諸朝廷行乎道路至乎州巷放乎獮狩修乎軍旅衆以義死之而弗敢犯也

祀乎明堂所以教諸侯之孝也食三老五更於太學所以教諸侯之弟也又曰食三老五更於太學天子祖袒而割牲而執爵爲俎實而饋進食執爵而酳食畢以潔而總于立于舞位所以教諸侯之弟也是故鄉

里有齒而老窮不遺。強不犯弱。衆不暴寡。此由太學來者也。

周禮地官大司徒以保息六養萬民。二曰養老。

夏官羅氏中春羅春鳥

蟄而始出者

獻鵠以養國老。

臣按天子之養老有二。有國老有庶老。貴賤謂之國子。則貴而老者謂之國老。賤者謂之庶人。則賤而老者謂之庶老。羅氏獻鵠以養之者。國老也。司徒以保息養之者。庶老也。

漢明帝永平二年。帝帥羣臣養三老五更于辟雍。用其德行年耆高者一人爲老次。一人爲更服。都紓大

袍單衣皂綠領袖中衣冠進賢杖五杖五更亦如之
不杖皆齊于太學講堂其日乘輿先到辟雍禮數御
坐東廂遣使者安車迎三老五更天子迎于門屏交
禮道上作階三老升自賓階至階天子揖如禮二者
升東面三公設几九卿正履天子親袒割牲執贊而
饋執爵而酳祝饗在前祝餧在後五更南面公進供
禮亦如之明日皆詣闕謝恩

崇師儒以重道

學記曰凡學之道嚴師爲難師嚴然後道尊道尊然
後民知敬學是故君之所不臣於其臣者三當其爲

戶則弗臣也。當其爲師則弗臣也。大學之禮雖詔於天子無北面所以尊師也。

大戴禮武王踐祚召師尚父而問焉曰黃帝顓頊之道存乎意亦忽不可得見與師尚父曰在丹書王欲聞之則齊矣王齊三日王端冕師尚父亦端冕奉書而入負屏而立王下堂南面而立師尚父曰先王之道不北面王行西折而南東面而立師尚父西面道書之言曰敬勝怠者吉怠勝敬者滅義勝欲者從欲勝義者凶凡事不彊則枉弗敬則不正枉者滅廢敬者萬世王聞書之言惕若恐懼而儆戒書於席之四

端銘曰安樂必敬無行可悔一反一側亦不愆不忘。
殷監不遠視而所伐。凡銘曰皇皇惟敬。口口生口口
生咷口戩口鑑銘曰見爾前慮爾後盤銘曰與其溺
於人也寧溺於淵溺於淵猶可游也溺於人不可扶
也楹銘曰母曰胡殘其禍將然母曰胡害其禍將大
母曰胡傷其禍將長牖銘曰隨天之時用地之財敬
祀皇天敬以先時劒銘曰帶之以爲服動必行德行
德別興倍德則萌

以社尊
牧師孺

檀弓魯哀公誄丘曰天不遺耆老莫相予位焉嗚
呼哀哉尼父

元帝時孔霸以帝師賜爵號褒成君奉孔子後

臣據後世封孔子子孫俾奉其後者始此

梅福上書于其君曰仲尼之廟不出闕里孔氏子孫不免編夷以聖人而歛匹夫之祀非皇天之意也。今陛下誠能據仲尼之素功以封其子孫則國家必獲其福又陛下之名與天亡極平帝元始初追謚孔子曰褒成宣尼公追封孔均爲褒成侯。

臣據此孔子謚宣之始

光武建武五年幸魯使大司空祠孔子

章帝元和二年東巡守過魯幸廟里以大牢祠孔子

及七十二人作六代之樂大會孔氏男子二十以上者六十三人命儒者講論語帝謂孔僖曰今日之會於鄉宗有光榮乎對曰臣聞明王聖主莫不尊師貴道今陛下親屈萬乘辱敝里此乃崇禮先師增輝聖德至於光榮非所敢承帝笑曰非聖者子孫焉有斯言乎遂拜僖郎中賜褒成侯捐及孔氏男女錢帛魏文帝黃初二年詔曰其以議郎孔羨爲宗聖侯邑百戶奉孔子祀令齊郡修起舊廟置百戶吏卒以守衛之又於其外廣爲室屋以居學者

唐玄宗開元十七年詔曰弘我王化在乎儒術能

發此道啓廸含靈。則生人以來。未有如夫子者也。所謂自天攸縱。將聖多能。德配乾坤。身揭日月。故能立天下之大本。成天下之大經。美政教。移風俗。君君臣臣。父父子子。子人到于今受其賜。不其猗歟。年祀漸遠。靈光益彰。雖代有褒稱。而未爲崇峻。不副於實。人其謂何。夫子旣稱先聖。可追謚爲文宣王。

臣按文宣王之謚始此

五代周太祖幸幽阜謁孔子祠。旣奠。將致敬。左右曰。仲尼人臣也。無致敬之禮。上曰。文宣百代帝王師。得無拜之。卽拜奠於祠前。

宋真宗咸平二年幸曲阜縣謁文宣王廟帝服韻袍詣廟酌獻廟內外設黃旄仗孔氏家屬陪列初有司定儀止肅揖帝特再拜又至墓奠拜追謚曰玄聖文

宣王

臣

按宋真宗幸闕里奠孔子有司定儀註止肅

揖帝不從特行再拜禮可謂知禮矣然不服玄
端而用韻袍況其所以至聖人之居者乃爲封
禪之故非誠也其所加謚者用緯書異端之說
至其改謚又因縣卒所言妖妄之神而避其諱
要皆非禮之禮心旣不誠名又不正聖人在天

之靈其肯受之乎且孔子所以爲萬世帝王之師所重在道而不在爵位名稱曰王曰帝有與否皆不足以爲吾聖人之輕重也

臣按與其崇聖人以虛名孰若遵聖人以實理

唐玄宗謚聖人以文宣似矣然而磨聚瀆倫聖道安在宋真宗加聖謚以至聖似矣然僞作天書聖道如何

以上集崇先聖

政和三年封王安石爲舒王配享臨川伯王雱從祀

臣按宜聖廟堂乃大公至正之所在豈容一毫私意於其間而姦黨之徒乃敢歎天罔聖以扶

翼其惡黨以爲自己姦利之地時君可欺而聖人
在天之靈其可欺乎

仁宗淳祐元年詔曰朕惟孔子之道自孟子後不得其傳至我朝周惇頤張載程顥程頤真見力踐深探聖域千載絕學始有指歸中興以來又得朱熹精思明辨表裏渾融使中庸大學語孟之書本末洞徹孔子之道益以大明于世詔令學宮列諸從祀以示崇獎之意又以王安石謂天命不足畏祖宗不足法人言不足恤爲世罪人豈宜從祖景定二年皇太子言乾淳間文公朱熹與宣公張栻成公呂祖謙志同道

合切思講磨擇精語詳開牖後學誠有功於聖門三
臣者俱嘗被詔追褒兼準御筆秩熹于從祀如栻如
祖謙宜升從祀詔從之

元文宗加顏回爲充國復聖公曾參鄒國宗聖公孔
伋沂國述聖公孟軻鄒國亞聖公是歲始以董仲舒
從祀

臣按焉我

聖祖闢國之初首去揚雄之祀正統改元用言者
從祀吳激後又以胡安國蔡沈真德秀列在從
祀此數儒者皆於經有發明之功效特祀之夫

從祀于孔子之廟堂者必其人於孔子之道有所合而無所愧然後可以與焉不輕與之所以重其事重其事所以重其道也

以上言喪祀先儒

文王世子天子視學大斉鼓徵所以警衆也衆至然後天子至乃命有司行事興舉地秋常也節禮也祭先聖先師焉

漢明帝中元元年初建三雍親行其禮天子冠通天衣日月備法物之駕盛清道之儀袒割辟雍之上尊養老更饗射禮

唐高祖武德七年幸國子學親臨釋奠

太宗召天下純儒耆德以爲學官數臨幸觀釋菜命

祭酒博士講論經義賜以帛廣學舍千二百區

宋太祖建隆元年正月幸國子監二月又幸四年四

月又幸

太宗端拱元年幸國子監將出顧見講堂左右博士
李覺方聚徒講書詔覺講易卦淳化五年又幸國子
監召孫奭講堯典說命

哲宗元祐中幸國子監詣文宣王殿行釋奠禮御端
化堂命祭酒豐稷講尚書無逸

按哲宗視國學或謂呂大防曰祖宗視學非

可與無紀
羅言發並
壅不朽

有爵命之賞則有金帛之賜今皆無之何也大
防曰古者天子視學蓋常事也德意在焉小惠
何足道哉以上視學

謹好尚以率民

周書君陳篇王若曰爾惟風下民惟草
惟民生厚因物有遷違上所命從厥攸好爾克敬典
在德時乃罔不變允升于大猷

君牙篇王若曰爾身克正罔敢弗正民心罔中惟爾
之中

詩序曰羔羊鵲巢之功致也召南之國化文王之政

在位皆節儉正直德如羔小日羊

羔

大日羊

也羔羊之皮

所以爲素自絲五紵

以絲繩

退食退朝而食於家

自公從門而出

委蛇委蛇自得

之貌

臣按先儒謂此詩爲文王作人之效如春風和

氣所在生輝故人才之所成就驗諸在野則赴

赴之武夫公侯腹心觀諸在朝則委蛇之大夫

節儉正直

禮記坊記子云善則稱親過則稱已則民作孝

子云長民者朝廷敬老則民作孝

緇衣子言之曰爲上易事也爲上易知也則刑不煩

矣

子曰好賢如繙衣惡惡如巷伯則_得不瀆而民作原刑不試而民咸服大雅曰儀刑文王萬國詩作那作孚

作孚

子曰下之事上也。不從其所令。從其所好。上好是物。下必有甚者矣。故上之所好惡不可不慎也。是民之表也。

子曰上好仁。則下之爲仁爭先人。故長民者。章志貞教。尊仁以子愛百姓。民致行已以說其上矣。

子曰民以君爲心。君以民爲體。心莊則體舒。心肅則容敬。心好之身必安之。君好之民必欲之。心以體全。

亦以體傷君以民存亦以民亡

春秋左氏傳云子曰吾聞諸叔向曰好惡不愆民知所適事無不成

漢章帝時馬廖上疏曰昔元帝罷服官成帝御浣衣哀帝去樂府然而後費不息至於衰亂者百姓從行不從言也夫改政移風必有其本前下制度未幾後稍不行雖或吏不奉法良由慢起京師今陛下素簡所安發自聖性誠令斯事一竟則四海誦德聲薰天地神明可通況行令乎

矣廣教化以變俗

周書君陳篇王曰君陳爾惟弘周公不訓無依勢作威無倚法以削寬而有制從容以弘

又曰爾無忿疾于頑無求備于一夫必有忍其乃有濟有容德乃大簡厥修亦簡其或不修進厥良以率其或不良

畢命王若曰嗚呼父師惟文王武王敷大德于天下用克受殷命惟周公左右先王綏定厥家慈殷頑民遷于洛邑密邇王室式化厥訓既歷二紀十二年世父子世臣變風移四方無虞予一人以寧

臣按以周公之元聖輔佐文武之聖成王之賢

而殷民在京邑之近而又繼之以若陳以和
其中歷三十六年之久世已變矣而後其風始
移焉由是觀之民之難化可知矣然殷民在洛
邑密邇王室其無虞庶之事而曰四方者蓋一
肢有疾而渾身爲之不寧一處有微而四方爲
之騷擾人君以一人之身而居四方之中四方
之中苟一處之有事而四方咸爲之動勦矣民
既不寧君身安得寧乎

又曰政貴有恒辭尚體要不惟好異商俗靡靡利口
惟資餘風未殄公其怠哉我聞曰世祿之家鮮克由

禮以蕩陵德實梓天道敝化奢麗萬世同流茲殷殷上席寵惟舊怙侈滅義服美于人驕淫矜侈將由惡終雖收放心閑之惟難

又曰資資財也富能訓惟以永年惟德惟義時乃大訓不由古訓于何其訓王曰嗚乎父師邦之安危惟茲厥躬不剛不柔厥德允修

鄭子產爲政於鄭都鄙有章上下有服田有封洫廬井有伍人之忠儉者從而與之奉侈者因而斃之一年豎子不戲狎斑白不提挈童子不犁畔二年市不豫價三年門不夜閉道不拾遺四年困器不歸五年

士無尺籍，喪期不令而治。輿人誦之曰：我有子弟子產誨之，我有田疇子產殖之，子產而死誰其嗣之？

漢文帝時賈誼上疏曰：夫移風易俗，使天下回心而

鄉

與嚮同

道類非俗吏之所能爲也。俗吏之所務，在於

刀筆僕僕，而不知大體。陛下又不自憂，竊爲陛下惜

之。豈如今定經制，令君若臣，上下有差，父子六親各得其宜，此業一定，世世常安，而後有所持循矣。若夫經制不定，是猶度江河亡無維楫。維以繫船中流而遇風波，船必覆矣。

武帝時嚴安上書曰：今天下人民用財侈靡，車馬衣

裘宮室皆競修飾調五聲使有節族雜五色使有文章重五味方丈於前以觀欲天下觀示之使其慕欲也彼民之

情見美則願之是教民以後也臣願爲民制度以防其淫使貧富不相耀以和其心心既和平則盜賊消刑罰少陰陽和風雨時五穀蕃熟民不夭癘也

文翁爲蜀郡守仁愛好教化見蜀地僻陋有蠻夷風文翁欲誘進之乃選郡縣小吏開敏有才者親自飭勵遣詣京師受業博士數歲皆成就還歸文翁以爲右職又修起學宮於成都市中招下縣子弟爲學官弟子爲除更繇高者以補郡縣吏次爲孝弟力田吏

八編集卷四十一
民榮之數年。爭欲爲學官弟子。富人至出錢以求之。
繇是大化蜀郡學者比齊魯焉。

韓廷壽爲穎川太守。穎川多豪強。難治。廷壽欲教以禮讓。恐百姓不從。乃歷召郡中長老爲鄉里所信向者。數十人。設酒具食。親與相對。接以禮意。人人問以謹俗。民所疾苦。爲陳和睦親愛銷除怨咎之路。長者皆以爲便。因與議定嫁娶喪祭儀品略。依古禮不得過法。又令文學校官諸生皮弁執俎豆。爲吏民行喪祭嫁娶禮。後入守左馮翊恩信周徧二十四縣。莫敢以詞訟自言者。

黃霸爲潁川太守爲條教置父老師帥伍長頒行之於民間勤以爲善防姦之意霸力行教化而後誅罰務在成就全安長吏凡治道去其恭甚者爾以外寬內明得吏民心治爲天下第一天子下詔稱揚曰潁川太守霸宣布詔令百姓鄉化孝子弟弟貞婦順孫目以衆多用者讓畔道不拾遺養視鰥寡贍助貧窮獄或八年亡重罪囚吏民鄉于教化興於行誼可謂賢人君子矣書不云乎股肱良哉其賜爵關內侯黃金百斤以風二千石而潁川孝弟有行義民三老力田皆以次賜爵及帛後數月徵霸爲太子太傅遷御

史大夫

臣

按漢去三代未遠，其君之求治臣之爲治皆有古遺意。後世則惟以簿書財賦爲急，未聞有及教化者矣。雖有其言，亦無其實。爲吏者固不暇於教化，萬有一焉，不罹於文法，幸矣。況望增秩賜金徵入朝以爲顯官哉？

卓茂爲密令，勞心諱諱，視民如子，舉善而教口，無惡言。吏人親愛而不忍欺之。茂曰：「律設大法，禮順人情。今我以禮教汝，汝必無怨惡；以律治汝，汝何所措其手足乎？」一門之內小者可諭，大者可殺也。

魯恭爲中牟令專以德化爲理不任刑罰邑人許伯等爭田累守令不能決恭爲平理曲直皆退而自責輟耕相讓

秦彭遷山陽太守以禮訓人不任刑罰崇好儒雅敦明庠序每春秋饗射輒修升降揖遜之儀乃爲人設四誠以定六親長幼之禮有遵奉教化者擢爲鄉三老常以八月致酒肉以勸勉之吏有過咎罷遣而已不加耻辱百姓懷愛莫有欺犯後轉潁川太守肅宗巡狩再幸潁川輒賞賜恩寵甚異

許荆爲桂陽太守郡濱南州風俗脆薄不識學義荆

爲設喪紀婚姻制度使知禮禁嘗行春到來陽縣民有蔣均與其弟爭財互相言訟荆對之歎曰吾荷國重任而教化不行咎在太守乃顧使吏上書陳狀乞詣廷尉均兄弟感懼各求受罪在任十二年父老稱歌徵拜諫議大夫

仇覽爲遂亭長勸人生菜爲制科令至於果菜爲限雞豕有數農事既畢乃令子弟羣居還就廢學其剽輕游恣者皆役以田桑嚴設科罰躬助喪事賑卹窮寡暮年稱大化覽初到亭人有陳元者獨與母居而母詣覽告元不孝覽驚曰吾近日過元舍廬落整頓

耕耘以時此非惡人當是教化未至耳。母守寡養孤苦身投老奈何肆忿於一朝欲致子以不義乎。母聞感悔涕泣而去。覽乃親到元家與其母子飲因爲陳人倫孝行譬以禍福之言。元卒成孝子。

任廷爲九真太守駢越之民無嫁娶禮法。廷乃移書屬縣各使男年二十至五十女年十五至四十皆以年齒相配。其貧無禮聘令長吏以下各省俸祿以賑助之。同時娶者二千餘人。是歲風雨順節穀稼豐衍吏民爲立祠後拜武威太守首除暴害吏民累息卽造爲學宮。自掾吏子孫皆令詣學受業復其徭役。章

句既通悉顯拔榮進之郡。逐有儒雅之士。

齊蕭瓊爲南清河太守。有百姓乙普明兄弟爭田積年不斷。各相援據乃至百人。瓊召普明兄弟諭之曰。天下難得者兄弟。易求者田地。假令得田地失兄弟。心如何。因而下淚。諸證人莫不灑泣。普明兄弟叩頭乞外更思。分異十年遂還同住。

後魏封回爲安州刺史。山民愿朴父子賓旅同寢。室回下車勸令別處其俗遂改。

清河王勵爲楚州刺史。城北有伍子胥廟。其俗敬鬼。祈禱者必以牛酒至破產業。勵歎曰。子胥賢者豈宜

損百姓。乃告諭所部自此遂止。

隋梁彥光爲相州刺史時人情險詖妄起風謠彥光欲革其弊用秩俸招致山東大儒每鄉立學非聖誓之書不得教受常以季月召集親臨策試有勤學異等聰明有聞者升堂設餌其餘竝坐廊下有好爭訟情業無成者坐之庭中設以草具及大比當舉行賓貢之禮袒送郊外資以財物於是人皆勸勵風俗大改

唐高士廉爲益州長史蜀土俗薄畏鬼而惡疾父母病危殆不躬扶持杖頭掛食遙以哺之兄弟異財罕

通假借士廉隨方勸誘有不悛者親率官吏詣門勸
諭由是邑里翕然多爲孝弟兼命儒生講論墳典勉
勵後進教化復興

韓愈爲潮州刺史下牒請置鄉校云孔子曰道之以
政齊之以刑民免而無耻不如以德禮爲先而輔以
政刑也欲用德禮未有不由學校師弟子者此州學
廢日久進士明經百十年間不聞有業成貢於王庭
試於有司者人吏目不識鄉飲酒之禮耳未嘗聞鹿
鳴之歌忠孝之行不勸亦縣之耻也趙德秀木沈雅
專誠頗通經有文章能知先王之道論說且排異端

而宗孔氏可以爲師矣請攝海陽縣尉爲衙推官事
勾當州學以督生徒興懼慄之風刺史山已俸百千
以爲學俸收其贏餘以給學生厨饌自此潮人日趨
文學立祠祀之

常袞爲福建觀察使設立鄉校使學者作爲文章親
加講導與爲客主均禮觀游宴饗與焉山是風俗一
變歲得貢士甚盛後袞卒閩人以袞配享于學宮

宋韓琦知并州河東俗雜羌夷用火葬琦爲買田封
樹刻石著令使得葬於其中人遂以焚屍爲耻

臣按自古中國無焚屍之俗至佛氏以夷狄入

中國始有之爲人子者乃忍其親之體魄付之烈焰不孝之罪莫大焉琦爲郡獨能禁之今此風猶行民習成俗非嚴刑痛禁之不能止請著爲令有犯禁者以毀傷父母律問罪并坐其舉火之人是亦崇孝道美風俗之一端

程顥爲晉城令民以事至邑者必告之以孝弟忠信度鄉村遠近爲保伍使之力役相助患難相恤孤焚殘廢者責之親黨使無失所行旅由其途者疾病皆有所養諸鄉皆有校廂時親召父老與之語兒童所讀書爲正其句讀教者不善則爲易置俗始甚野不

知爲學乃擇子弟之秀者聚而教之鄉民爲社會爲立科條旌別善惡使有勸有耻在縣三歲民愛之如父母

朱熹知漳州以習俗未知禮采吉喪葬嫁娶之儀揭以示之命父老解說以教子弟土俗崇信釋氏男女聚僧廬爲傳經會女不嫁者爲庵舍以居熹悉禁之余仲寬宰劖之順昌時閩俗生子多者至三四子則率皆不舉爲其貲產不足以贍也若女則不待三往往溺之建斂尤甚仲寬乃作戒殺子文召諸鄉父老爲人信服者列坐廡下以俸置醪醴親酌飲之出其

文使歸勸其鄉人無得殺子歲月間活者以十計轉運判官曹輔上其事朝廷嘉之就改仲寬一官仍令再任復爲立法推行一路

臣按溺子之俗至今浙東爲甚請自今有除爲浙東守令者考滿上課必書云自到任之後民竝無溺子者如有不實坐降一級如此則民間舉子必多戶口日增是亦仁政之大端也

嚴旌別以示勸

周書畢命曰旌別淑善也惡惡也表厥宅里彰善瘅病也惡樹之風聲弗率訓典殊厥非疆俾克畏慕

禮記王制曰上賢以崇德簡不肖以紳惡命鄉簡不
師教者以告耆老皆朝于庠元日習射上功習鄉上
齒大司徒師國之俊士與執事焉不變命國之右鄉
簡不帥教者移之左命國之左鄉簡不帥教者移之
右如初禮不變移之郊如初禮不變移之遂如初禮
不變屏之遠方終身不齒

繢衣子曰有國家者章明也善病也惡以示民厚則民
情不貳

又曰故君民者章好以示民俗慎惡以御民之淫則
民不惑矣

臣按後世凡有孝子烈婦則旌表其門而爲盜竊屢犯不入者則異其門而以爲警是亦得古人章好慎惡之意也

殊無井通
抑此

漢明帝永平三年荊州刺史郭賀有殊政明帝賜以三公之服黼黻冕旒敕行部去幘帷使百姓見其容服以彰有德

臣按明帝之於郭賀賜之以所不當得之章服所以表其有殊政也一時官聽見而聞之寧不惕然悚忻然慕乎

沛劉長卿妻桓氏夫卒防遠嫌疑子又夭歿桓氏慮

廣雅山高
對

不免乃豫割其耳以自誓沛相王吉上奏高行旌其門閭號曰行義桓婺

臣按前代旌表節婦不止一桓婺見於史傳者此其始也載之以兄帝王旌表節婦之實

隋文帝以田德懋有孝行降璽畫褒之曰皇帝謝田德懋知在窮疾哀毀過禮倚廬墓所負土成墳朕以孝治天下思弘名教復與汝通家情義素重有聞孝感嘉歎兼深春日暄和氣力何似宜自抑制割以禮自存也并賜縑二百段米百石詔表其門閭

臣按前代表孝子門閭非一而特紀德懋者以

隋文帝有璽書褒之也。

唐張公藝九世同居，北齊隋唐皆旌表其門，高宗封泰山車駕幸其家。

宋萊州民徐承珪幼失父母，與兄第三人及其族三十口同甘藜藿，衣服相讓，歷四十年不改其操。所居鄉水連理，瓜異蔓同實，有司以聞，太祖詔改鄉名義感，里名和順。

江州民陳兢，其先世仕唐，有爲江州長史者，益置田園爲家法。戒子孫擇羣從掌其事，建書堂教誨之。僖宗嘗詔旌其門，南唐爲立義門，宋初免其徭役。太宗

時以其家食不足，每歲貸與之粟。真宗時官其主家者爲州助教。

舉贈謚以勸忠

禮記表記子曰：先王謚以尊名，節以壹學惠也，耻名之浮於行也。

方慤曰：生則有名，死則有謚。謚其名，故曰謚。以尊名夫。謚以誅行而爲之，然行不一也。謚有所不勝言，特以所隆者之一端而爲之。節爾，故曰節。以壹惠若文王之爲文，武王之爲武，此皆壹惠之道也。行雖多而節之以惠，則名不浮於行矣。

按周人卒哭而諱將諱而謚是謚三代以來
已有之生有名死有謚名乃生者之辨謚乃死
者之辨生者之名以辨其人死者之謚則節其
一德以爲稱而諱其名也

郊特牲死而謚今也古者生無謚死無謚

陳澔曰死而有謚今之變禮也殷以前大夫以上
乃爲爵死則有謚周制雖爵及命士死不謚也

而禮已孤暴貴不爲父作謚

呂大臨曰父之爵不當謚以己爵當謚而作之是
以己爵加其父欲尊而反卑之非所以敬其父也

陳澔曰文王雖爲西伯不爲古公王季作謚周公

成文武之德亦不敢加太王王季以謚也

臣按元世於凡追封其臣之父祖皆加以謚是

雖夷狄之君不知禮亦一時臣僚不學之過也

既葬見天子曰類見言謚曰類

鄭玄曰類猶象也

臣按先儒言謚曰類當爲誄謂誄而謚之也

檀弓公叔文子卒其子戌請謚於君曰日月有時將
葬矣請所以易其名者君曰昔者衛國凶饑夫子爲
粥與國之饑者是不亦惠乎昔者衛國有難夫子以

其死衛寡人不亦貞乎夫子聽衛國之政修其班制
以與四鄰交衛國之社稷不辱不亦文乎故謂夫子
貞惠文子

陳澔曰大夫士三月而葬有時猶言有數也死則
諱其名故謂之謚所以代其名也貞惠文此三字
爲謚而惟稱文子者鄭云文足以兼之

臣按自古謚皆請於君春秋之世猶然後世始
以屬有司我

朝始復古制凡大臣有功德於世者其謚皆自
上賜云

尹焞曰謚法最公以成周之時其子孫自以幽厲
而爲謚此孝子慈孫所以不能改也

臣按謚法捐位亂常曰幽殺戮無辜曰厲二君
者周之天子繼其世者其臣子也乃敢以惡謚
而加之於君父豈春秋爲尊者親者諱之謂哉
蓋君之謚則稱天以誅之臣之謚則請君以賜
之君之臣子雖欲私其君父如天理何臣之子
孫雖欲私其父祖如君法何先王謚法最公秦
人以爲臣議君子議父而除去之鄭樵謂以謚
易名名尚不敢稱況可加之以惡乎失古意矣

史記謚法解惟周公旦太公望開嗣王業建功于牧
野終將葬乃制謚遂叙謚法謚者行之迹號者功之
表車服者位之章也是以大行受大名細行受細名
行由於已名生於人

臣按謚法不見於五經其書見於世者有周公
謚法有春秋謚法有廣謚有今文尚書有大戴
記有世本有獨斷有劉熙之書有來與之書有
沈約之書有賀琛之書有王彥威之書有扈晃
之書有扈蒙之書有蘿海之書皆漢魏以來儒
者取古謚法而釋以已說而各爲之法也其說

不一有一謚而取義敷端臣愚以爲古今異宜

請自今節惠定謚者本於古法而參酌以今世之所宜庶不悖於古而於今人之聽聞不惑云

晉賈充老病自憂謚傳從子誤曰是非久自見不可掩也充卒以外孫爲嗣太常議謚博士秦秀曰充悖禮溺情以亂大倫昔鄭養外孫荀公子爲後春秋書荀人滅鄫絕父祖之血食開朝廷之亂原案謚法昏亂紀度曰荒請謚荒公帝不從更謚曰武

臣按充姦回弑逆謚之以荒固爲幸矣而武帝曲加以美謚然後世不因武帝之謚遂以充爲

善人賈模謂是非久自見不可掩信哉斯言
明帝贈譙王永戴淵周顥等官周札故吏爲札訟冤
尚書卞壺議以爲札開門延寇不當贈謚王導以爲
往年敦姦逆未彰臣等皆所未悟與札無異旣悟其
姦札便以身許國尋取梟夷宜與周戴同例郗鑒以
爲周戴死節周札延寇事異賞均何以勸沮

臣按周札始雖延寇終則死職其於贈典在乎
可否之間雖以明帝冠亂之餘偏安一隅而於
亡臣之贈典而羣臣猶且執議如此後世則顧
其死者之情故何如生者之顯晦有無而已雖

有贈謚不足以爲勸沮

北魏鄭羲爲西兗州刺史貪鄙納女爲姬徵爲秘書監及卒尚書謚曰憲詔曰蓋棺定謚激濁揚清羲雖夙有文業而治闕廉清尚書何乃情遺至公愆違明典依謚法博聞多見曰文不勤成名曰靈改謚文靈唐許敬宗卒袁思古議敬宗棄長子於荒徼嫁少女於夷狄按謚法名與實爽曰繆謂謚爲繆敬宗孫彥伯訟思古與許氏有怨請改謚王福時議以爲謚者得失一朝榮辱千載若嫌隙有實當據法推繩如其不然義不可奪

臣按許敬宗奏流其子昂於嶺南又以女嫁蠻

曾馮盎之子多納其貨故思古議及之然此猶非其罪之大者若論其贊高宗立嬖后殺忠良之罪謚之以繆猶爲幸矣當時戴至德謂王福疇曰高陽公任遇如是何以謚之爲繆對曰昔何曾旣忠且孝徒以日食萬錢秦秀謚之曰繆許敬宗忠孝不加於曾而飲食男女之累過之謚之曰繆不負許氏矣當咸亨中昏主臨朝而臣下猶斤斤執法持論如此雖其任遇之臣略不肯少有假借其謚雖終於改易然載其事於

史千載猶一日也士君子立身剛行可不謐哉
唐楊綰卒太常謐文貞或謂其與元載交游嘗爲載
薦太常謐不當

故相呂諲卒獨孤及議謐曰肅嚴郢駁謐加以忠肅
及重議曰周道衰孔子作春秋而亂臣賊子懼謐法
亦春秋之微旨也在懲惡勸善不在哀榮在議美惡
不在字多周公殺三監誅淮夷晉重耳一戰而霸諸
侯武功盛矣而皆謐曰文以冀缺之恪德臨事審渝
之忠於其國其文德豈不優乎而竝謐曰武固知書
法者必稱其大而略其綱故言文不言武言武不言

文三代以下。樸散禮壞。乃有二字之謚。非古也。其源生於襄周。施及戰國之君。漢興。蕭何張良霍去病。霍光俱以文武大略。佐漢致太平。其事業不一。謂一名不足以紀其善。於是乎有文終文成。景桓宣成之謚。雖瀆禮甚矣。然猶褒不失人。唐興。參用周漢之制。謂魏徵以王道佐時。近文直言。極諫愛若而忘身。近貞二德。竝優廢一莫可故曰文貞。謂蕭瑀。端直鯁亮。近貞性多猜貳。近褊言褊則失其譽。正稱貞則遺其憮。狹非一言所能名。故曰貞褊。若迹無殊途。事歸一貫。則直以一字目之。故杜如晦謚成王。珪謚懿。陳叔達

謚忠溫彥博謚恭此竝當時赫赫以功名居宰相位者謚不過一字不聞其子孫佐吏有以字少稱屈者由此言之二字不必爲褒一字不必爲貶

宋仁宗朝夏竦卒贈太師中書令特賜謚文正司馬光言謚者行之迹也行出於已名生於人所以勸善沮惡不可私也謹按令文諸謚王公及職事官三品以上皆錄行狀申省議定奏聞所以重名實示至公也今不委之有司槩以公議定謚於中而後宣示於外臣謂宜擇中流之謚使與行實粗相應者賜之亦非羣臣所敢議也今乃謚以至美無以復加之謚如

竦者豈易克當光又言竦得此謚不知復以何謚待天下之正人良士況天下之人皆知竦爲大邪雖謚之以正不足掩竦之惡而適傷國家之至公耳。

臣按宋以前人臣無謚文正者文正卽唐之文貞宋人避諱易貞爲正盡謚之最美者也宋仁宗以竦東宮舊臣特賜以此謚光上疏以爲竦不足以當此謚因改謚文莊其後光薨卒得是謚真無忝矣乎

仁宗朝陳執中卒知太常禮院韓維上謚議曰皇祐之末天子以後宮之喪問所以葬祭之禮執中位爲

上相不能總率羣司考正儀典以承答天問而治理
皇儀非嬪御之禮追冊位號於宮闈有嫌建廟用樂
踰祖宗舊制遂使聖朝大典有非禮之舉此不忠之
大者宰相所當秉道率禮以弼天子正身率家以儀
百官執中不務出此而方杜門深居謝絕賓客曰我
無私也我不黨也豈不陋哉謹按謚法寵祿光大曰
榮不勤成名曰靈執中出自宰相以一品就第可謂
寵祿光大矣得位行政不爲不逢死之日賢士大夫
無述焉可謂不勤成名矣請合二法謚曰榮靈

臣按韓維上陳執中謚議而責以居大臣不能

正典禮之失以爲其不忠之罪而謚以榮靈嗚呼使此議行則凡爲臣子者生前所爲雖或僥倖以免王庭之誅然身歿之後公議凜然終不可掩人生不滿百寵榮富貴之日不過三五十
年耳而不美之謚播於人口錄之史冊殆至千萬年而無窮是則謚法之行其爲世教之助益亦非淺淺也世主往往曠於所好而自敗其義
典何不思之深哉

神宗時太子太師致仕歐陽修卒尚書省移太常請謚李清臣爲謚議曰公爲聖世賢臣一世學者所師

法明於道德見於文章究覽六經述作數十百萬言以傳先王之遺意方天下溺於末習爲章句聲律之時聞公之風一變爲古文咸知趙尚根本太師之功於教化治道爲最多真可謂文矣考按謚法唐韓愈李翜權德興孫逖宋楊億皆謚文太師宜以文謚然公常參天下政事進言仁宗乞早下詔立皇子使有明名定分以安人心及兩預定策謀有安社稷功謚法道德博聞曰文廉方公正曰忠不改於文而傳之以忠議者之盡也請謚文忠

寧宗慶元六年京镗卒賜謚文穆旣而其子請避家

諱改文忠言者以爲楊意巨儒旣謚曰文議欲加一
忠字竟不之與夫欲加以一字猶且不可况二字俱
欲極美乎望敕攸司自今謚議務當其實其或不然
當推以法以選舉不實論若定謚已下其子孫請再
更易者以違制論從之

臣按唐宋議謚掌於太常博士凡於法應得謚
者考其行狀撰定謚文移文吏部考功郎中覆
定之

本朝雖設太常博士而不掌謚議洪武初惟武
臣有謚至永樂中文臣始有謚蓋自姚廣孝等

嘗始也。自後文臣亦多有之。然我朝之謚皆出于恩賜。然臣竊以謂

九重之上。於臣下之賢否。未易盡知。請自今以後。有應得謚者。未恩賜之先。先下攸司。俾其考訂以聞。然後從中賜下。

八編類纂卷之五十

右編

六曹類

禮曹

臣湯承制以郊事問故膠西相仲舒臣仲舒對曰所聞古者天子之禮莫重於郊郊常以正月上辛日者所以先百神而最居前禮三年喪不祭其先而不敢廢郊郊重於宗廟天尊於人也

董仲舒
郊祀對

臣聞郊紫壇饗帝之義掃地而祭上質也歌大呂舞雲門以俟天神歌大簇舞咸池以俟地祇其牲明犧

其席藁稽其器陶匏皆因天地之性貴誠上質不敢修其文也以爲神祇功德至大雖修精微而備庶物猶不足以報功唯至誠爲可故上質不飾以章天德紫壇僞飾女樂鸞路駢駒龍馬石壇之屬宜皆勿修

臣爾議

臣聞周室既衰四夷並侵玁狁最彊於今匈奴是也至宣王而伐之詩人美而頌之曰薄伐玁狁至於太原又曰啴啴焞焞如霆如雷顯允方叔征伐玁狁荆蠻來威故稱中興及至幽王犬戎來伐殺幽王取宗器自是之後南夷與北夷交侵中國不絕如綫春秋

紀齊桓南伐楚北伐山戎孔子曰微管仲吾其被髮
左衽矣是故弃桓之過而錄其功以爲霸首及漢興
冒頓始彊破東胡禽月氏并其土地地廣兵彊爲中
國害南越尉佗總百越自稱帝故中國雖平猶有四
夷之患且無寧歲一方有急三面救之是天下皆動
而被其害也孝文皇帝厚以貨賂與結和親猶侵暴
無已甚者興師十餘萬衆近屯京師及四邊歲發屯
備虜其爲患久矣非一世之漸也諸侯郡守連匈奴
及百粵以爲逆者非一人也匈奴所殺郡守郡尉掠
取人民不可勝數孝武皇帝愍中國罷勞無安寧之

時乃遣大將軍驃騎伏波樓船之屬南滅百粵起七
郡北攘匈奴降昆邪十萬之衆置五屬國起朔方以
奪其肥饒之地東伐朝鮮起玄菟樂浪以斷匈奴之
左臂西伐大宛并三十六國結烏孫起敦煌酒泉張
掖以鬲婼羌禦匈奴之右臂單于孤特遠遁於幕北
四垂無事斥地遠境起十餘郡功業既定迺封丞相
爲富民侯以大安天下富實百姓其規模可見又招
集天下賢俊與協心同謀興制度改正朔易服色立
天地之祠建封禪殊官號存周後定諸侯之制永無
逆爭之心至今累世賴之單于守藩百蠻服從萬世

之基也中興之功未有高焉者也高帝建大業爲太祖孝文皇帝德至厚也爲文太宗孝武皇帝功至著也爲武世宗此孝宣帝所以發德音也禮記王制及春秋穀梁傳天子七廟諸侯五大夫三十士二天子七日而殯七月而葬此喪事尊卑之序也與廟數相應其文曰天子三昭三穆與太祖之廟而七諸侯二昭二穆與太祖之廟而五故德厚者流光德薄者流卑春秋左氏傳曰名位不同禮亦異數自上以下降殺以兩禮也七者其正法數可常數者也宗不在此數中宗變也苟有功德則宗之不可預爲設數故於殷

太甲爲太宗太戊爲中宗武丁曰高宗周公爲無逸之戒舉殷三宗以勸成王繇是言之宗無數也然則所以勸帝者之功德博矣以七廟言之孝武皇帝未宜毀以所宗言之則不可謂無功德禮記祀典曰夫聖王之制祀也功施於民則祀之以勞定國則祀之能救大災則祀之竊觀孝武皇帝功德皆兼而有焉凡在於異姓猶將特祀之況於先祖或說天子五廟無見文又說中宗高宗者宗其道而毀其廟名與實異非尊德貴功之意也詩云蔽芾甘棠勿剪勿伐召伯所茇思其人猶愛其樹况宗其道而毀其廟乎迭

毀之禮自有常法無殊功異德固以親疏相推及至
祖宗之序多少之數經傳無明文至尊至重難以疑
文虛說定也孝宣皇帝舉公卿之議用衆人之謀既
以爲世宗之廟建之萬世宣布天下臣愚以爲孝武
皇帝功烈如彼孝宣皇帝崇立之如此不宜毀上賢
其議而從之制曰太僕舜中壘校尉歆議可劉歆奏
聖王制禮取法於天故尊卑之禮明則人倫之序正
人倫之序正則乾坤得其位而陰陽順其節人主與
萬民俱蒙祐福尊卑者所以正天地之位不可亂也
今定陶共皇太后共皇后以定陶共皇爲號者母從

子妻從夫之義也。欲立官置吏車服與太皇太后並非所以明尊卑亡二上之義也。定陶共皇號諡已前定義不得復改禮父爲士子爲天子祭以天子其尸服以士服子亡爵父之義尊父母也爲人後者爲之子故爲所後服斬衰三年而降其父母恭明尊本祖而重正統也孝成皇帝聖恩深遠故爲共王立後奉承祭祀令其皇長爲一國太祖萬世不毀恩義已備陛下旣繼體先帝持重太宗承宗廟天地社稷之祀義不得復奉定陶共皇祭入其廟今欲立廟於京師而使臣下祭之是無主也又親盡當毀空去一國太

祖不墮之祀而就無主當毀不正之禮非所以尊厚
共皇也

師門其皇立廟議

禮兄弟不相爲後不得以承代爲世殷之盤庚不序
陽甲漢之光武不繼成帝別立廟寢使臣下祭之此
前代之明典而承繼之著義也惠帝無後懷帝承統
弟不後兄則懷帝自上繼世祖不繼惠帝當同殷之
陽甲漢之成帝議者以聖德冲遠未便收舊茲如此
禮通所未論是以惠帝尚在太廟而懷帝復入數則
盈八盈八之理由惠帝不出非上祖宜遷也下世既
升上世乃遷遷毀對代不得相通未有上升一世而

晉惠帝時
崇廟始建
嘗多闕
或以懷帝
為世所傾
凡退數過
七宜在邊
雖事下太
常徵上議

惠懷兄弟
不得名爲
一世也

上毀二世者、惠懷二帝俱繼世祖兄弟廟親同爲一世、而上毀二爲一世、今以惠帝之崩已毀豫章、懷帝之入復毀潁川如此、則一世再遷、祿位橫折、求之古義未見此例、惠帝宜出、尚未輕論、况可輕毀一祖、而無義例乎、潁川既無可毀之理、則兄神之數居然自八、既有八神、則不得不於七神之外、權安一位也、至尊於惠懷、供是兄弟、自上後世祖不繼二帝、則二帝之神行應、別出不爲廟中恒有八室也。

須得惠懷廟制送設議

禮天子七廟尊始封君曰太祖、百代不遷、始祖無聞焉、殷自玄王至湯周后稷至武王皆出太祖後合食

清七室以
崇武昭王
馬始祖太
常奉碑郎
張齊賢上
議

有序景皇帝始封唐實爲太祖以世數近故尚在昭
穆今乃上引武昭王爲始祖異乎殷周之本高稷也
高稷興祚景皇帝是也昭王國不世傳後嗣失守景
帝實始封唐子孫是承若近捨唐遠引涼不見其可
且魏不祖曹參晉不祖司馬卬宋不祖楚元王齊梁
不祖蕭何陳隋不祖胡公楊震今謂昭王爲祖可乎
漢以周郊后稷議欲郊堯杜林以爲周興自后稷漢
業特起功不緣堯卒不果郊武德初定去昭王尤近
不託祖者不可故也今而立之非祖宗意

張齊賢議
始祖廟

廟必有配一帝一后禮之正也昭成皇后有太姒之

奏

德宜升配睿宗肅明皇后既非子貴宜在別廟周人奏夷則歌小呂以享先妣先妣姜嫄也以生后稷故特立廟曰閟宮晉簡文帝鄭宣皇后不配食築宮於外以歲時致享肅明請準周姜嫄晉宣后納主別廟時享如儀

於是留主俄坤廟諸隸太廟則置官屬陳貞廟請皇后配廟

請以中宗爲別廟大祫則合食太祖奉睿宗繼高宗則裸獻永序詔可乃奉中宗別廟升睿宗爲第七室五年太廟壞天子舍神主太極殿營新廟素服避正寢三日不朝猶幸東都伊闕男子孫平子上書曰乃正月太廟毀此躋二帝之驗也春秋君薨卒哭而祫

祔而作主特祀於主烝嘗禘於廟今皆違之魯文公
之二年躋僖於閔上後太室壞春秋書其災說曰僖
雖閔兄嘗爲之臣臣居君上是謂失禮故太室壞且
兄臣於弟猶不可躋弟嘗臣兄乃可躋乎莊公薨閔
公二年而禘春秋非之况大行夏崩而太廟冬禘不
亦亟乎太室尊所若曰魯自是陵夷墮周公之祀太
廟今壞意者其將陵夷墮先帝之祀乎陛下未祭孝
和先祭太上皇先臣後君昔躋兄弟上令弟先兄祭
昔太室壞今太廟毀與春秋正同不可不察武后篡
國孝和中興有功今內主別祠不得列於世亦已薄

矣夫功不可棄君不可下長不可輕且臣繼君猶子
繼父故禹不先鯀周不先不窩宋鄭不以帝乙厲王
不肖猶尊之也况中興邪晉太康時宣帝廟地陷梁
折又三年太廟殿陷而及泉更營之梁又折天之所
譴非必朽而壞也晉不承天故及於亂臣謂宜遷孝
和還廟何必違禮下同魯晉哉帝語宰相召平子與
博士詳論博士護前言合軌平子平子援經辨數分
明獻等不能屈蘇頤右博士故平子坐貶都城尉然
諸儒以平子孤挺見迂於禮官不平帝亦知其直久
不決然卒不復中宗於廟

陳貞節論
兄弟入廟

臣聞王者制禮，是曰規模，規模之興，實由師古。師古之道，必也正名。孝敬皇帝位止東宮，未嘗南面聖道，誠冠於儲副。德教不被於寰瀛，立廟稱宗，恐非合禮。况別起寢廟，不入昭穆，稽諸祀典，何義稱宗，而廟號

義宗

韋恭駿義
宗廟號書

唐德宗卽
位初玄宗
廟號欽定

肅宗既封
太祖子西

玄宗引太

祖位東廟
禮儀使子
休制議獻

春秋之義，毀廟之主陳于太祖，未祔廟之主，合食於祖，無毀廟遷主不享之言。唐家祀制與周異，周以后稷爲始封祖，而毀主皆在后稷下，故太祖東向常統其尊。司馬晉以高皇太皇征西四府君爲別廟，大禘祔則正太祖位，無所屈。別廟祭高太以降，所以敘親

太祖若合
食則太祖
位不得正

請藏三祖

神主以太

宗中宗廟

宗廟南向

高宗玄宇

高祖北向

向南而不

及二祖凡

十八年建

中初代宗

裕京以太

裕博上

太宗宮大

也唐家宜別爲獻懿二祖立廟祔祫則祭太祖遂正東向位德明興聖二帝向已有廟則藏祫二祖爲宜詔百官普議禮儀使太子少師顏真卿曰今議者有三二謂獻懿親遠而遷不當祫宜藏主西室二謂二祖宜祫食與太祖並昭穆缺東向位三謂引二祖祫帝卽太祖永不得全其始宜以二主祔德明廟雖然於人神未厭也景帝旣受命始封矣百代不遷矣而又配天尊無與上至祔祫時皆屈昭穆以申孝尊先實明神之意所以教天下之孝也况晉蔡謨等有成議不爲無據請大祫享奉獻主東向懿主居昭景主

居穆重本尚順爲萬代法夫祫合也有如別享德此
是乃分食非合食也時議者舉然於是還獻懿主給
於廟如真卿議吏部郎中柳冕等十二人議曰天子
以受命之君爲太祖諸侯以始封之主爲祖故自太
祖以下親盡迭毀洎秦滅學漢不暇禮晉失宋因
故有連王廟之制有虛太祖之位且不列昭穆非所
謂有序不建迭毀非所謂有殺連王廟非所謂有別
虛太祖位非所謂一尊此禮所由廢也傳曰父爲士
子爲天子祭以天子葬以士今獻懿二祖在唐未受
命時猶士也故高祖太宗以天子之禮祭之而不改

奉以東向位今而易之無乃亂先帝序乎周有天下追王大王季以天子禮及其祭則親盡而毀漢有天下尊太上皇以天子之禮及祭也親盡而毀唐家追王獻懿二祖以天子禮及其祭也親盡而毀復何所疑周官有先公之祧先王之祧先公遷主藏后稷之廟其周未受命之祧乎先王遷主藏文武之廟其周已受命之祧乎故有二祧所以異廟也今自獻而下猶先公也自景而下猶先王也請別廟以居二祖則行周道復古制便工部郎中張薦等請自獻而降悉入昭穆虛東向位司勲員外郎裴樞曰太祖之臣

復追尊焉則尊祖之義乖太廟之外別祭廟焉則社稷不重是時京以考功員外郎又言興聖皇帝則獻之曾祖懿之高祖以曾孫祔高曾之廟人情大順也國子四門博士韓愈質衆議自申其說曰一謂獻懿二主宜永藏夾室臣不謂可且禮祔祭毀主皆合食今藏夾室至祔得不食太廟乎若二祖不預不謂之合矣二謂兩主宜毀而瘞之臣不謂可禮天子七廟一壇一壝遷主皆藏於祧雖百代不毀祔則太廟享焉魏晉以來始有毀瘞之議不見於經唐家立九廟以周制推之獻懿猶在壇壝可毀瘞而不祔祔乎三

謂二祖之主宜各遷諸陵臣不謂可二祖享太廟二百年一日遷之恐眷顧依違不卽享於下國四謂宜奉主祔與聖廟而不禘祫臣不謂可禮祭如在景皇帝雖太祖於獻懿子孫也今引子東向廢父之祭不可爲典五謂獻懿宜別立廟京師臣不謂可凡禮有降有殺故去廟爲祧去祧爲壇去壇爲墠去墠爲鬼漸而遠者祭益希筭魯立廟宮春秋非之謂不當取已毀之廟旣藏之主復築宮以祭今議正同故臣皆不謂可古者殷祖玄王周祖后稷太祖之上皆自爲帝又世數已遠不復祭之故始祖得東向也景皇帝

惟禘祫於獻懿子孫也當禘祫獻祖居東向位景從
席若穆是祖以孫尊孫以祖屈神道人情其不相遠
又常祭衆合祭寡則太祖所屈少而所伸多與其仲
孫尊廢祖祭不以順乎尚書左僕射姚南仲等請奉
獻懿主祔德明興聖廟鴻臚卿王權申衍之曰周人
祖文王宗武王故詩清廟章曰祀文王也故不言太
王王季則太王王季而上皆祔后稷故清廟得祀文
王也太王王季之尊私禮也祔后稷廟不敢以私奉
公也古者先王遷廟主以昭穆合藏於祖廟獻懿主
宜祔興聖廟則太祖東向得其尊獻懿主歸得其所

是時言祔興聖廟什七八天子尚猶豫未刪定至是
羣臣稍顯言二祖本追崇非有受命開國之鴻構又
權根援詩禮明白帝泮然於是定遷二祖於興聖廟
凡禘祫一享詔增廣興聖二室會祀日薄廟未成張
綃爲室內神主廟垣間奉興聖德明主居之廟成而
祫自是景皇帝遂東向京自博士獻議彌二十年乃
決諸儒無後言

陳京論祖宗祧廟

臣等伏以古者宗廟之制一帝一后後世有以子貴
者始著並祔之文其不當祔者則又有別廟之祭本
朝禘祫有司攝事乃以別廟之后列於所配之下絕

席而坐非惟於古無文於今爲不可者又有四焉淑
德皇后太宗之元配也列於元德之下章懷皇后真
宗之元配也列於章懿之下其位序先後不倫一也
升祔之后統以帝樂別廟諸后則以本室樂章自隨
二也升祔之后同牢而祭牲器祝冊亦統於帝別廟
諸后乃從專享三也升祔之后聯席而坐別廟諸后
位乃相絕四也今號爲合食反絕席而坐牲牢祭器
樂章祝冊皆自別而不同又位序顛錯殊非嚴事之
意伏見章獻皇后章懿皇后在奉慈廟未升祔時每
遇禘祫不從合食只於本廟致享所以伸所尊者最

爲得禮也。若四后各祭於其廟，則其尊自伸，而於禮文無參差不齊之失。又有章懿之明證。

歐陽修等議四

後裕
鑒

伏以景靈宮建自先朝，以尊奉聖祉。陛下又建真宗皇帝章懿太后神御殿於其間，天下之人皆知陛下奉先廣孝之意。然則此宮乃陛下奉親之所。今乃欲以後宮已廢未復之后，建殿與先帝太后並列，有瀆神明，莫此之甚。臣竊謂事必不出於聖意，皆小人私於興作有所僥幸求爾。蓋自前世帝王於宗廟之外，別爲廟享以追奉祖宗者，則有之。未聞有自追奉其妃

後者也。蓋小人不識事體。苟有一時之利。不思虧損聖德。伏乞特示寢罷。以全典禮。

歐陽修論建
部后殿

臣切謂聖宋崛起。非有始封之祖也。則創業之君。是爲太祖矣。太祖則周之后稷。配祭於郊者也。太宗則周之文王。配祭於明堂者也。此二祀至重。萬世不遷之法也。真宗則周之武王。宗乎廟而不祧者也。雖有配天之功。而無配天之祭。未聞成王以嚴父之故。廢文王配天之祭。而移於武王也。仁宗則周之成王也。雖有配天之功。而無配天之祭。亦未聞康王以嚴父之故。廢武王配天之祭。而移於成王也。明堂配祭東

漢爲得。在西漢時則孝武始營明堂而以高帝配之。其後又以景帝配之。孝武之後無聞焉。在東漢時則孝明始建明堂而以光武配其後孝章孝安又以光武配。孝安之後無聞焉。當始配之代適符嚴父之讒及時異事遷而章安二帝亦弗之變此最爲近古。而令乎禮者也有唐始在孝和時則以高宗配之在明皇時則以睿宗配之在永泰時則以肅宗配之禮官杜鵑漸王涇輩皆不能推明經義務合古初反雷同其論以惑時主當仁宗嗣位之初僅有建是論者配天之祭當在乎太宗矣。

魏公輔論
明堂配

商周之王斷自稷契以下者非絕嘗以上遺之以其自有本統承之故也。本朝自僖祖以上世次不可得而知，則僖祖有廟與稷契疑無以異。今毀其廟而藏其主夾室，替祖考之尊而下附於子孫，殆非所以顯祖宗之孝心，事亡如事存之義。

王安石議
僖祖
祀遷

詩曰：思文后稷，克配彼天。言以其德能配天也。夫以文王之德，而不能預配天之祭者，特以后稷之功大矣。使周無后稷之祀，則周公之祀宜不得舍文武而他及。且後世之興，其先既無周之后稷而郊天之祀，不先創業之君，乃遠取追尊之祖，此豈先王之禮而

近於人情者哉今之議者又以祭法禘郊祖宗之禮言商周非絕譽以其自有本統承之本朝自僖祖以上世次不可得知則必以僖祖爲始祖臣又以謂不然矣其言曰商人禘譽而郊冥祖契而宗湯信斯言也則禘祭宜無易譽者今商頌之長發大禘之詩也其曰有娀方將帝立子生商又曰玄王桓孫受小國是達受大國是達者迺專歌述契之功德一篇之間了無及譽之語則祭法之言禘譽者臣亦未敢取以爲信也漢高之得天下與商周異故太上皇不得爲始封而光武之興不敢尊舂陵而祖高帝且景帝唐

江節候評
僖祖非矣
並侯原在
而朝後南
采自傳前
無考

室始封之君。而元皇帝乃神堯之父。高祖之時以景
皇帝爲配。而太宗之初已奉高祖於圓丘。景皇帝不
得預郊天。其後杜鵑漸等復請以景皇帝郊配天地。
黎幹力詰其非禮而正之。夫景皇帝親受唐國之封。
且不得配天。則未嘗啓有土宇。而欲以爲始祖。臣亦
慮其難矣。恭惟太祖皇帝削平禍難功格上天百餘
年間天下之人涵泳生養而安樂於無事者太祖之
恩德也。今天下惟知遵奉太祖。而乃欲替其親郊配
天之祀。豈厭於人情哉。今僖祖之德。不昭見於生民。
不明被於後世。迺欲以齊后稷之廟。當始祖之禮。臣

恐信祖之神非所居而不受若以得姓者爲祖則趙之得姓遠矣自造父封於趙城而趙衰始得姓今若必欲推考其先世則遂欲上祖趙衰其可乎臣今欲乞特爲僖祖立室置祧主其中由太祖而上親盡迭毀之主皆藏於僖祖之室當禘祫之時以僖祖之主權居東向之位太祖之主順昭穆之列而從之取其毀廟之主而合食焉則僖祖之尊自有所伸此韓愈所謂祖以孫尊孫以祖屬之義也以僖祖立廟爲非則周人別廟以祀姜嫄不可謂非禮孫固議僖祖祧遷

今皇地祇亦從上帝而合祭於圓丘獨以爲不可則

過矣書曰肆類於上帝禋于六宗望於山川徧於羣
神舜之受禪也自上帝六宗山川羣神莫不畢告而
獨不告地祇豈有此理哉武王克商庚戌柴望柴祭
上帝也望祭山川也一日之間自上帝而及山川必
無南北郊之別也而獨略地祇豈有此理哉臣以知
古者祀上帝則并祭地祇矣何以明之詩之序曰昊
天有成命郊祀天地也此乃合祭天地經之明文臣
以知周之世祀上帝則地祇在焉歌天而不歌地所
以尊上帝故其序曰郊祀天地也春秋書不郊猶三
望左氏傳曰望郊之細也說者曰三望太山河海或

曰淮海也。又或曰分野之星及山川也。魯諸侯也。故郊之禮及其分野山川而已。周有天下則郊之禮獨不及五岳四瀆乎。岳瀆猶得從祀而地祇獨不得合祭乎。議者謂合祭天地始於王莽以爲不足法。臣竊謂禮當論其是非不當以人廢光武皇帝親誅莽者也。尚采用元始合祭故事謹按後漢書郊祀志建武二年初制郊兆於洛陽爲圓壇八陛中又爲重壇天地位其上皆南鄉西上此則漢世合祭天地之明驗也。又按水經注伊水東北至洛陽縣圓丘東大魏郊天之所準漢故事爲圓壇八陛中又爲重壇天地位。

其上此則魏世合祭天地之明驗也唐睿宗將有事
於南郊賈曾議曰有虞氏禘黃帝而郊魯夏后氏禘
黃帝而郊鯀郊之與廟皆有禘禘於廟則祖宗合食
於大祖禘於郊則地祇羣望皆合於圓丘以始祖配
享蓋有事祭非常祀也三輔故事祭於圓丘上帝后
土位皆南面則漢常合祭矣時褚元亮郭山惲等皆
以曾言爲然明皇天寶元年二月勅曰凡所祠享必
在廟親朕不親祭禮將有闕其皇地祇宜如南郊合
祭是月二十日合祭天地於南郊自後有事於圓丘
皆合祭此則唐世合祭之明驗也今議者欲冬至祀

天夏至祀地益以爲用周禮也臣請言周禮與今禮之別古者一歲祀天者三明堂享帝者一四時迎氣者五祭地者二享宗廟者四凡此十五者皆天子親祭也而又朝日夕月四望山川社稷五祀及羣小祀之類亦皆親祭此周禮也太祖皇帝受天眷命肇造宋室建隆初郊先享宗廟並祀天地自真宗以來三歲一郊必先有事景靈偏享太廟乃祀天地此國朝之禮也夫周之禮親祭如彼其多而歲行之不以爲難今之禮親祭如此其少而三歲一行不以爲易其故何也古者天子出入儀物不繁兵衛甚簡用財有

節而宗廟在大門之內。諸侯出爵賞必於太廟不止時祭而已。天子所治不過王畿千里。惟以齊祭禮樂爲政事。守此則天下服矣。是故歲歲行之率以爲常。至於後世海內爲一。四方萬里皆聽命於上。機務之繁萬倍於古。力有所不能給。自秦漢以來。天子儀物日以滋多。有加無損。以至于今。不復如古之簡易也。今所行皆非周禮。三年一郊。非周禮也。先郊二日而告原廟。一日而祭太廟。非周禮也。郊而肆赦。非周禮也。優賞諸軍。非周禮也。自后妃以下至文武官皆得薦補。親屬非周禮也。自宰相宗室以下至百官皆有

賜齋非周禮也此皆不改而獨於地祇則曰周禮不當祭於圓丘此何議也今議者必又曰夏至不能行禮則遣官攝祭祀亦有故事此非臣之所知也周禮大宗伯王不與則攝位鄭氏注曰王有故則代行其祭事賈公彥跋曰有故謂王有疾及哀慘皆是也然則攝事非安吉之禮也後世人主不能歲親祭故命有司行事其所從來久矣若親郊之歲遣官攝事是無故而用有故之禮也議者必又曰三年一祀天又三年一祀地是非臣之所知也三年一郊已爲疏闊若獨祭地而不祭天是因事地而愈疏於事天自古

皇清詩書
卷之三
御文書稿
信耳

未有六年一事天者議者必又曰當郊之歲以十月神州之祭易夏至方澤之祀則可以免方輿興事之患此又非臣之所知也夫所以議此者惟欲舉從周禮也今以十月易夏至以神州代方澤不知此周禮之經耶抑變禮之權耶若變禮從權而可則合祭圓丘何獨不可議者必又曰當郊之歲以夏至祀地祇於方澤上不親郊而通爟火天子于禁中望祀又非臣之所知也書之望秩周禮之四望春秋之三望皆謂山川在境內而在四郊者故遠望而祭也今所在之處既則見地而云望祭是爲京師不見地乎有

法元成豐
仲同宗廟
啟事自
是何進休
於其有誠
以北動王
長安

三不可夏至之日、不可以動大衆、舉大禮、一也、軍賞不可復加二也、自有國以來、天地宗廟、唯饗此祭、累聖相承、唯用此禮、此乃神祇所歆、祖宗所安、不可輕動、動之則有吉凶禍福、不可不慮三也、答西漢之袁元帝納貢禹之言、毀宗廟、成帝用丞相衡之議、改郊位、皆有殃咎、著於史冊、往鑒甚明、可爲寒心矣、貼黃唐制有事於南郊、則先朝獻太清宮、朝享太廟、亦如今禮、先二日告原廟、先一日享太廟、然議者或亦以爲非三代之禮、臣謹按武王克商、丁未祀周廟、庚戌柴望、相去三日、則先廟後郊、亦三代之禮也。

蘇軾圖
卷之三

謹按國朝舊典，冬至圓丘，必兼饗天地從祀百神。若其有故，不祀圓丘，則行它禮。或大雩於南郊，或大饗於明堂，或恭謝於大慶，皆用圓丘禮樂祿位。其意以爲皇帝不可以三年而不親祀天地百神故也。臣竊見皇祐明堂遵用此法，最爲得禮之變。自皇祐以後，凡祀明堂，或用鄭氏說，獨祀五天帝；或用王氏說，獨祀昊天上帝。雖於古學各有援據，而考之國朝之舊，則爲失當。蘇軾請復用皇祐典禮

臣竊見太祖皇帝受命之初，未遑他事，首尊四祖之

廟而又以僖祖爲四廟之首累聖遵崇罔敢失墜中
間雖以世數淺遠遷之夾室而未及數年議臣章衡
復謂遵奉以爲太廟之始祖宰相王安石等遂奏以
爲本朝自僖祖以上世次不可得而知則僖祖有廟
與穆懿疑無以異今欲毀其廟而藏其主替祖宗之
尊而下祔於子孫非所以順祖宗之孝心也於是神
宗皇帝詔從其請而司馬光韓維孫朴孫固等以爲
非是力奏爭之其說甚詳然其立意不過以爲太祖
發命立極當爲始祖而裕享東向僖祖初無功德親
盡當祧而已臣嘗深考其說而以人心之所安者揆

之則僖祖者太祖之高祖考也雖歷世久遠功德無傳然四世之後篤生神孫順天應人以寧兆庶其爲功德蓋不必身親爲之然後爲盛也是以太祖皇帝首崇立之以爲初廟當此之時益已歸德於彼而不敢以功業自居矣今乃以欲尊太祖之故而必使之奪據僖祖初室界向之位臣恐在天之靈於此有所不忍而不敢當也安石之爲人雖不若光等之賢而其論之正則有不可誣者

朱熹論廟主四

先聖緣人情而著其節制服二十五月是以春秋臣有大喪君三年不呼其門閔子雖要經服事以赴公

人臣
禮教始子

難退而致位以充私恩故稱君使之非也臣行之禮也周室陵遲禮制不序蓼莪之人作詩自傷曰瓶之罄矣惟罍之耻言已不得終竟于道者亦主之耻也高祖受命蕭何創制大臣有寧告之科合於致優之義建武之初新水大亂凡諸國政多趨簡易大臣既不得告寧而羣臣營祿念私鮮循三年之喪故藉田之耕起於孝文孝廉之貢發於孝武郊祀之禮定於元成三雍之序徇於顯宗大臣終喪成乎陛下陳忠復

武服制
故事疏

父在爲母期古禮也國朝服之三年臣謂三年則太

唐書宗室
禮教始子

哲宗太子

司馬將服

三年郎太

司馬

重、唯行右爲得禮。德宗遣內常侍馬欽敘謂質曰：「子有撫軍監，問安侍膳之職，有司以三十日除，既葬釋服，以墨。」太子於陛下子道也臣道也。君臣以義，則撫軍監國有權，奪父子問安侍膳，固無服衰之嫌。古未有服衰而廢者，舒王以下服三年，將不得問安視膳耶？太子舒王皆臣子也，不宜甚異。且皇后天子之母，其父母士庶也，以天下之母爲士庶降服，可乎？太子臣子也，以臣子爲母降可乎？公除非古也，入公門變服，今期喪以下，據制是也。太子晨昏侍非公除，比墨衰奪情事緣金革，今不監國撫軍何抑奪耶？子之於父母禮異而情均，太子奉君

父之日遠報母之日少忍使失令名哉

宰相乃令太常卿鄭叔則

草奏既葬卒哭十一月小祥十三月大祥十五月禫
內謂即墨服復詔問質質以爲雖不能循古禮道愈
於魏晉之文遠甚半相乃言太子居皇后喪至期則
抑承慈實臣子至行唯心與服内外宜稱今質請
降詔於外無害一塗衰於內臣謂言行於外而服與於
內事非至誠齊於德教請下明設如叔則議天子從
之及董晉代叔則爲太常卿帝曰皇太子服期繇來
官初非朕意楊福等請猶魏晉故事至論也

等論太子

服

伏覩睦親宅被火災者二廣親宅被火災者亦二旬
月之中如此之併豈適丁其時乎臣竊以春秋之義
推之蓋二宅之中有親已盡服絕無者而未經裁節
於有限之禮故大以火災戒之乎歷考上世尊族或

封以就國或官而任外自唐明皇而後世叢於宮宅而不任以政本朝依其制也然國初之制凡以蔭授官率皆以其父祖合任之數授之今則長男生踰年而受官其下之男皆生五年而受官矣舊制止授班行今則皆授南班官矣十年前止滿數百今則踰千人矣又其間子孫衆多者數房而共一室者矣安可不更張其事哉朕惟親戚之間經史有訓漢唐之世典故具存或以九族定尊卑或以五宗紀遠近或聽推恩而分子孫或許自試而効才能或宗子之賢得從科舉或諸王之女自主婚姻盡前世之所行顧當

今之未備，祖宗昭穆，是宜世出之封。王公子孫，抑有親親之殺。若乃服屬之既竭，泊乎才藝之並優，在隨器以甄擇，使當官而勉懋，至於任子之令，通婚之儀，凡曰有司之常，一用外官之法。楊紹乞酌古今禮服紀之禮

晉平公之於荀盈，蓋無服也。周景王之於穆后，蓋期喪也。無服者未葬而樂，屠蒯譏之。期喪者已葬而燕，叔向譏之。書之史冊，至今以爲非。仁宗皇帝以宰相富弼母在殯，爲罷春宴，傳之天下，至今以爲宜。今魏王之喪，未及卒哭，而禮部太常寺皆以爲天子絕期，不妨宴樂，臣切非之。陳執乞以魏王喪罷秋宴

夫居喪用喪禮、除喪用吉禮、因事而行、乃常道也。今若爲開樂張宴、則是特爲一喜慶之事、失禮義、害人情、無大於此。程頤論除喪不可置燕

惟晉武帝以疏素終三年、其羣臣多以爲非、蓋詔諛之人、習於流俗、而不知禮也。唐之人主無有爲三年服者、而三百年間、諭者亦未嘗及之、蓋世無達禮之士、而人不知事君之義也。惟國朝自祖宗以來、外廷雖用易月之制、而宮中實行三年之服、且易月之制前世所以難改者、以人君自不爲服故也。今君上之服、已如古典、而臣下之禮、猶依漢制、古者再期而大

祥中月而禫。禫者祭之名也。非服之色也。今乃爲之
繆服三日。然後禫。此禮之不經者也。旣除服矣。至葬
而又服之。蓋見梓宮不可以無服也。祔廟而後卽吉。
纏八月矣。去山陵未久也。而遽純吉。無所不佩。此又
禮之無漸者也。臣伏見大行皇帝之喪。自三月十三
日服至二十八日而除。羣臣衰麻纏十六日。遺詔易
月因襲。故事已行之禮不可追也。臣愚以爲過山陵
宜令羣臣朝服止。如今日未除衰至葬而服之。漸除
其重者再期。而又服之。乃釋衰其餘則君服斯服可
也。此非有所難行。惟存其衷。麻而已。

蘇軾論喪
服儉葬

壽皇聖帝至性自天孝誠內發易月之外猶執通喪朝衣朝冠皆以大布超越千古拘繫牽制之弊革去百王衰陋卑薄之風甚盛德也所宜者在方冊爲世法程子孫守之永永無斁而間者遺詔初頒太上皇帝偶違康豫不能躬就喪次陛下嘗以世嫡之重仰承大統則所謂承重之服著在禮律所宜一遵壽皇已行之法易月之外且以布衣布冠視朝聽政以代太上皇帝躬執三年之喪而一時倉卒不及詳議遂用練紗淺黃之服朱熹乞諱

孝文皇帝居霸陵北臨廟意懷愴悲懷顧謂羣臣曰

朱熹乞諱

年不歲復
葬陵延陵
制度秦始
同上疏

嗟乎以北山石爲椁用紵絮斲陳漆其間豈可動哉
張釋之進曰使其中有可欲雖銅南山猶有隙使其
中無可欲雖無石椁又何惑焉夫死者無終極而國
家有廢興故釋之之言爲無窮計也孝文寤焉遂薄
葬不起山墳故仲尼孝子而延陵慈父舜禹忠臣周
公弟弟其葬君親骨肉皆微薄矣非苟爲儉誠便於
體也秦始皇帝葬於驪山之阿下銅三泉上崇山墳
其高五十餘丈周回五里有餘石椁爲游館人膏爲
燈燭水銀爲江海黃金爲兒鴈珍寶之藏機械之變
棺槨之麗宮館之盛不可勝數又多殺宮人生薙丘

匠計以萬數天下苦其役而反之驪山之作未成而
周章百萬之師至其下矣項籍燔其宮室營宇往者
咸見發掘其後牧兒亡羊羊入其鑿牧者持火照求
羊失火燒其藏椁自古及今葬未有盛如始皇者也
數年之間外被項籍之災內罹牧豎之禍豈不哀哉
是故德彌厚者葬彌薄知愈深者葬愈微無德寡知
其葬愈厚丘壠彌高宮廟甚麗發掘必速由是觀之
明暗之效葬之吉凶昭然可見矣周德既衰而奢侈
宣王賢而中興更爲儉宮室小寢廟詩人美之斯于
之詩是已上章道宮室之如制下章言子孫之衆多

也及曾巖公刻飾宗廟多築臺圓後嗣再絕春秋刺焉周宣如彼而昌魯秦如此而絕是則奢儉之得失也

劉向
昌陵疏
諫起

今羣臣皆以加上徽號爲請而臣獨望陛下固辭徽號爲願其心則同欲尊君同欲愛君

劉敞
辭徽號乞固

前代入繼者多宮車晏駕之後援立之策或出母后或出臣下非如仁宗皇帝年齡未衰深惟宗廟之重祇承天地之意於宗室衆多之中簡拔聖明授以大業陛下親爲先帝之子然後繼體承祧光有天下漢安懿王雖於陛下有天性之親顧復之恩然陛下所

以負戾端冕富有四海子子孫孫萬世相承者皆先

帝之德也臣等愚淺不達古今切以爲今日所以崇

奉漢安懿王典禮宜一依先朝封贈期親尊屬故事

高官大國極其尊榮謹國太夫人襄國太夫人仙遊

縣君亦改封大國太夫人考之古今實爲宜稱

王珪等議

乞法先朝封贈期親尊屬故事

臣聞不在其位不謀其政政者職也位卑而言高者

罪也越職觸罪危言世患雖伏鑽橫分臣之願也守

職不言沒齒身全死之日尸未腐而名滅雖有景公

之位伏極手馴臣不貪也故願一登文石之陛涉赤

漢或帝久無繼嗣福

以爲宜建三統封孔

著復上書

舉之塗當戶牖之法坐盡平生之恩慮亡益於時有
遺於世此臣竊所以不安食所以忘味也願陛下深
省臣言臣聞存人所以自立也壅人所以自塞也善
惡之報各如其事昔者秦滅二周夷六國隱士不顯
逸民不舉絕三統滅天道是以身危子殺厥孫不嗣
所謂壅人以自塞者也故武王克殷未下車存五帝
之後封殷於宋紹夏於杞明著三統示不獨有也是
以姪姓半天下遷廟之主流出於戶所謂存人以自
立者也今成湯不祀殷人亡後陛下繼嗣又微殆爲
此也春秋經曰宋殺其夫夫殺梁傳曰其不稱名姓

以其在祖位尊之也。此言孔子故殷後也。雖不正統。封其子孫以爲殷後。禮亦宜之。何者。諸侯奪宗。聖庶奪適。傳曰。賢者子孫宜有土。而况聖人。又殷之後哉。皆成王以諸侯禮葬周公。而皇天動威。雷風著災。今仲尼之廟不出閭里。孔氏子孫不免編戶。以聖人而歆匹夫之祀。非皇天之意也。今陛下誠能據仲尼之素功。以封其子孫。則國家必獲其福。又陛下之名與天亡極。何者。追聖素功。封其子孫。未有法也。後聖必以爲則。不滅之名。可不勉哉。舊傳謂封孔子爲殷後書

雖朝士大夫畏竦子孫。方居美仕。不敢顯言。四方之

人耳目炳然，豈可掩蔽。必曰夏竦之爲如是，而證文正，非以證爲公器也。蓋出於天子之恩耳。此其譏評國家之失，豈云細哉。

司馬光論夏竦
不當謚文正

臣竊以凡爲人臣，父祿不必多。受位不必高。苟當官不言，則刑戮之人也。是以夙夜惶懼，不敢默默伏惟陛下，不以鄙陋而忽其言。臣等竊追謐法本意，所謂道德博聞曰文者，非聞見雜博之謂也。蓋以所行所學，不離於道德也。靖共其位曰正者，非柔懦苟媿之謂也。蓋詩云：靖共爾位，好是正直也。今竦奢侈無度，聚斂無厭。內則不能制義於閨門，外則不能立效於

邊鄙言不副行貌不應心語其道德則貪淫矣語其正直則回邪矣此皆天下所共聞非臣等所敢誣加也陛下乃以文正謚之臣等慙愚不達大體不知復以何謚待天下之正人良士哉且陛下所以念竦如此之厚者以竦嘗爲東宮之故臣也向者東宮之臣死而得謚者非一陛下未嘗親有所定至於竦獨不然豈非知竦所爲不合衆心邪

司馬光論夏竦不當謚文正第二狀

昭王問於觀射父曰周書所謂重黎實使天地不通者何也若無然民將能登天乎對曰非此之謂也古者民神不雜民之精爽不携貳者而又能齊肅衷正

其知能上下比義。其聖能光遠宣朗。其明能光煦之。
其聰能聽徹之。如是則明神降之。在男曰覩。在女曰
巫。是使制神之處位。次主而爲之牲器。時服而後使
先聖之後之有光烈而能知山川之號。高祖之主宗
廟之事。昭穆之世。齊敬之勤。禮節之宜。威儀之則容。
貌之崇忠信之質。禋潔之服而敬恭明神者以爲之。
祝使名姓之後能知四時之生犧牲之物。玉帛之類。
采服之儀。彝器之量。次主之度。屏攝之位。壇場之所。
上下之神氏姓之出。而心率舊典者爲之宗。於是乎
有天地神民類物之官。謂之五官。各司其序。不相亂。

書

也民是以能有忠信神是以能有明德民神異業敬而不瀆故神降之嘉牛民以物享禍灾不至求用不匱故少昊之衰也九黎亂德民神雜糅不可方物夫人作享家爲巫史無有要質民匱於祀而不知其福烝享無度民神同位民瀆齊盟無有嚴威神狎民則不獨其爲嘉生不降無物以享禍灾荐臻苦蓋其氣顓頊受之乃命南正重司天以屬神命北正黎司地以屬民使復舊常無相侵瀆是謂絕地天通其後三苗復九黎之德堯復育重黎之後不忘舊者使復典之以至於夏商故重黎氏世敘天地而別其分主者

也其在周程伯休父其後也當宣王時失其官守而爲司馬氏寵神其祖以取威於民日重寶上天黎官下地遭世之亂而莫之能禦也不然夫天地成而不變何比之有觀射父論重來

大雨雹季武子問於申豐曰雹可禦乎對曰聖人在上無雹雖有不爲災古者日在北陸而藏冰西陸朝覲而出之其藏冰也深山窮谷固陰沴寒於是乎取之其出之也朝之祿位賓食喪祭於是乎用之其藏之也櫟社秬黍以享司寒其出之也桃弧棘矢以除其災其出入也時食肉之祿冰皆與焉大夫命婦餐

浴用冰祭寒而藏之獻羔而啓之公始用之火出而畢賦自命夫命婦至於老疾無不受冰山人取之聽人傳之輿人納之隸人藏之夫冰以風壯而以風出其藏之也周其用之也偏則冬無愆陽夏無伏陰春無淒風秋無苦雨雷出不震無菌霜雹羈疾不降民不夭札今藏川池之冰棄而不用風不越而殺雷不發而震雹之爲災誰能禦之七月之卒章藏冰之道也

申豐論雨雹

春秋之道舉往以明來是故天下有物視春秋所舉與同比者精微眇以存其意通倫類以貫其理天地

庚午六月
申豐論雨雹

之變國家之事粲然皆見亡所疑矣按春秋魯定公
哀公時季氏之惡已甚而孔子之聖方盛夫以盛聖
而易熟悉季孫雖重魯君雖輕其勢可成也故定公
二年五月兩觀災兩觀僭禮之物天災之者若曰僭
禮之臣可以去矣見皋徵而後告可去此天意也定
公不知省至哀公三年五月桓宮釐宮災二者同事
所爲一也若曰燔貴而去不義云爾哀公未能見故
四年六月亳社災兩觀桓釐廟毫社四者皆不當立
天皆燔其不當立者以示曾欲其去亂臣而用聖人
也今高廟不當居遼東高園殿不當居陵廟於禮亦

不當立與魯所災同其不當立久矣至於陛下時天
迺災之者殆亦其時可也天災若語陛下當今之世
非以太平至公不能治也視親戚貴屬在諸侯遠正
最甚者忍而誅之如吾燔遼東高廟迺可視近臣在
國中處苟不及貢而不正者忍而誅之如吾燔高園
殿迺可云爾在外而不正者雖貴如高廟猶災燔之
況諸侯乎在內不正者雖貴如高園殿猶災燔之況
大臣乎此天意也舉在外者天災外舉在內者天災
內燔甚罪當重燔簡罪當輕承天意之道也

董仲舒
火災對

陛下至德仁厚哀憫元元躬有日昃之勞而十俟豫

之樂允執聖道刑罰惟中然而嘉氣尚凝陰陽不和
憂臣下未稱而聖化獨有不洽者也臣竊伏思其一
端殆吏多苛政政教煩碎大率咎在部刺使或不循
守條職舉錯各以其意多與郡縣事至開私門聽議
僕以求吏民過失譴呵及細微責義不量力郡縣相
迫促亦內相刻流至衆庶是故鄉黨闢於嘉賓之懼
九族忘其親親之恩飲食周給之厚彌衰送往勞來
之禮不行夫人道不通則陰陽否隔和氣不興未必
不由此也詩曰民之失德乾餗以愆鄙語曰苛政不
親煩苦傷恩方刺史奏事時宜明申勅使昭然知本

朝之要務臣愚不知治道唯明主察焉

薛宣論陰陽不相違

漢成帝元延元年星

學東井屬

郡岷山崩

雍江向曰

皆周波山崩

崩山川竭

而幽王亡

岐山者周

所興也漢

家本起于

蜀漢今所

起之地山崩川堵星

字又及漢

參至死殆

必亡矣

秦始皇之末至二世時日月薄食山陵淪亡辰星出於四孟大白經天而行無雲而雷在矢夜光熒惑襲月孽火燒宮野禽戲廷都門內崩長人見臨洮石隕

于東郡星孛大角大角以亡觀孔子之言考暴秦之異天命信可畏也及項籍之敗亦孛大角漢之入秦

五星聚于東井得天下之象也孝惠時有雨血日食于衡滅光星見之異孝昭時有泰山臥石自立上林僵柳復起大星如月西行衆星隨之此爲特異孝宣興起之表天狗夾漢而西久陰不雨者二十餘日昌

不能已後
上奏

邑不終之異也。皆著于漢紀。觀秦漢之易世。覽惠昭之無後。察昌邑之不終。視孝宣之紹起。天之去就。豈不昭昭然哉。

劉向
李等奏
上星

漢武以能誅文成五利。前史謂之雄才。先帝時有侯莫陳利用者。始以方術暴得寵用。一旦發其姦誅於鄭州。至今輿誦謂之英斷。唐明皇得靈寶符。上清獲國經寶勝等。皆王鉢田同秀等所爲。明皇不能顯戮。休於邪說。今日見老君於閣上。明日見老君於山中。大臣尸祿以將迎。瑞士畏威而緘默。既惑左道。即紊政經。民心用離。浸不復振。及至祿山兆亂。輔國劫遷。

老君寧肯御兵寶符安能排難身危名辱負愧包羞

大命既傾前功併弃今朱能所爲頗似王鉢等事

孫真

書論天

獻瑞大率
以此可存
以戒

臣竊見交趾所進麒麟二頭臣得之道路圖寫其形大抵牛身象耳豹足魚鱗臣謹按爾雅釋獸麇麌身牛尾一角郭璞注謂春秋所獲麟也又云麋大麋牛尾一角卽漢武郊雍所獲麟也又云驕如馬一角不角者麟卽元康中九真郡所貢也又唐龍朔三年麟見于介山又聖朝太平興國九年嵐州獻獸一角似鹿無班角端有肉性甚馴善當時以爲祥麟上表稱

賀臣以前典觀之則麟如馬狀麟似鹿形況麟鳳四靈國家大瑞天下稱賀青史具書故唐改元年漢名
青閣太平之瑞莫大于斯臣切聞此獸頗與書史所
聞不同閉以檻車與象相觸所食草木皆中國所無
萬一非是祥麟海外別有名目卽朝廷殆爲蠻夷所

詐

濟陽縣志

伏覩近世以來每有日食之變曆官皆先具月日時
刻及所食分數奏聞至日或爲陰雲所蔽或所食不
滿分數公卿百官皆奏表稱賀以爲大慶臣愚以爲
日之所照周徧華夷雲之所蔽至爲近狹今若太陽

實虧而有浮雲翳塞。雖京師不見，四方必有見者。夫四方不見，京師見者，禍尚淺也。四方見，京師不見者，禍寢深也。

司馬光論曰食遇陰雲不見乞不稱賀

詩人之時事異于余。今方兩宮同轟天下之政，實日月並明之道。俱不當有薄食之變也。

王嚴叟論月食

八編類纂